

اوسات عثمیه کبریه

هفته‌لق سیاسی ، ادبی ، علمی غزته‌در

جلد : ۳

سنه : ۲ ۴ جاذی‌الاول ۱۳۳۶ جمعه‌ایرتی ۱۶ شباط ۱۹۱۸ نومرو ۲۴ — ۵۵

ایمپراتور عثمانی و پاشا عثمانی

— مابعد —

عباسیلر بغدادده نصل عجم‌شورلرسه ، عثمانیلرده استانبولده اولیه روم‌لاشیورلر .
بوراده‌کی ذوات کرامتک قسم اعظمی (روم‌لاشوق) کله‌سناک معناسنی ؛ کندیلرینی بیلدکری کوندن
بری بیلرلر . وسوزمی پک‌طبعی وحق بولورلر . مقصدی بیکانه‌له افهام ایچون برقاچ کله‌ایله ایضاح
مرام ایدیم :

(روم ترکی) هم جغرافیائی هم اتنوگرافیک برتعبیردر : بخارا ترکی ، سمرقند ترکی ، آذربایجان
ترکی کی . یزانس ایمپراطورلغناک حوزه حکومتنده برزمان بولمیش اولان یرلر و بویورلرک سکنه‌نی
دیمک . بوراده تمام ایران مقابلیدر : سلجوقیان ایران ؛ سلجوقیان روم کی .
(روم ایلی) ده بویله‌در . چونکه ترک‌لرک ایجاد ایتیش اولدیغی بوتعبیر ایله محدود و معین یرلرده
روم عنصری اقلیتی تشکیل ایدر . موره شبه جزیره‌سی هان سراپا روم‌لرله مسکون‌ایکن (روم ایلی)
نامنی آلامشدی .

(رومی) صفتی هر صنف و مسلکدن بالعموم بیوکرمز ، کال افتخار و ممنویته قبول ایتشلدز .
جلال‌الدین رومی ، اشرف رومی کی اعظم اولیاء الله بوکله ایله تلقب واشتیار ایتدیلر . ابن کاله
(علامه روم) ، (محقق روم) دینیر .

(ترک) عرقناک اک بیوک پادشاهی ، شبه یوقدرکه ، سلطان سلیمان قانونیدر . هم بو پادشاه ،

ایله ارنگاب اولنان حرکاته برشمه قانونیت و بررنک عدالت ویره بیلیمک ایچون استعمال اولنان برر آلت درکهنه ایندیرلمشدر . ایشته بواسباب و سوائی پک آرزمانده اغتشاشات، ترهبات و تذبذباته واسع بر جریان ، مدهش برفسحت ویرمشدر .

اختلال ، [بورژوازی] صنفدن طبقات اهالییه ایندییه دقیقه دن اعتباراً اختلال، ارتق حیات و احتراصاته قارشوعقل و حکمتک غلبه سنی تأمینیه صالح بر قوه تأییدیه، بر عامل نفوذ اولقندن اوزاقلاشمش، بالعکس عقل و منطقک تأثیراتی غرض و حرص ایله ازاله خصوصنده عادتاً بر سلاح تحکم و تبحر اولمشدر. غرض و حرصک صورت حقندن کورونمک شرطیه واقع اولان بو غلبه سی ، پک هول انکیز نتایج حصوله سبب اولمشدر .

ادامه موجودیت و تأمین حیات ایده بیلیمک ایچون جمعیات بشریه ، عنعنات ، قوانین و عادات سایه سنده . فطرت انسانده جدائی بر صورتده مرکوز اولان بر چوق حیات و احتراصات حیوانیه نک تأثیرات غلیظه و مفترسه سنی تهوینه ساعی اولقندن کیری طور مامشلردر . بو حیات و احتراصاته بر حدود تعیین ایتک ممکندر ، حتی بر قوم و ملتک ساحه مدنیته نه قدر مسافه قطع ایده بیلیمک کلامق ایچون ، بونلرک درجه محدودیت ویا فسحتی تدقیق کافیدر .

خلقک احتراصات و اغراضنه سربست بر جریان ویرمک صوک درجه خطرنا کدر . بونلر اطرافه خسار ایرات اتمدجه مجرای اصلینه کیرمین نهرک فیضانیه بکزه در .
اختلالک دها بدایتنده [رپوارول] شویله دیوردی : « بر قوم و ملتک اعماقنی قاریشیدیران مطلقاً فلا کته انتظار ایتلیدر . چونکه خلق ایچون اصلاً انتباه و بصیرت دوری یوقدر . »

کربری احمد ساقی

عثمانیلرک اوروپاده کی مستملکاتی

— (افلاق و بغداد) —

[مابعد]

قدیم « داجیا » Dakia, Dacia - که قاریات مائله لری دیمکدر - بسارابیا ، اردل ، بانات ممالکنی حاوی ایدی . حدودینی طورله ایله « تائیس » شهرلری تشکیل ایدردی . اردل ، « ترانسیلوانیا » یوقوینا نمسیه ، و طورله ایله پروتک ساحلی روسیه یه کچدکن صکره افلاق و بغداد سلطنت عثمانیه نک خارج عن المرکز ایالاتی عدا دینه کیردی، عذیم المدافعه بر حاله کلدی، و، عاقبت ضایع اولیویردی...

ثانیا : — طونه زنارینک جبال سائر سنی طورله ایله پروت آرده سنده کی نقاط مرتفعه تشکیل ایدر . بورالردن ملک قدیم عثمانیه دخول قولایدی . پروت وسهرمت خایلی هم عذیم المرور دکدی ، همده ایجه تحکیم ایدله مشدی . مملکت علی العاده آلقادر و آسیا سته پلرینک بدایتی اعتبار ایدلسه خطا اولماز . بو اراضی مستویه اون عصر مدته آسپادن کلن خلقه ممر اولمشدر . قوت یعنی غوطلر ، هونلر ، اسلاولر ، قاتارلر کی مثل واقوام اورادن عبور ایتشلردر . بر عصردن زیاده مدتدن برو ممالک عثمانیه قارشی اولان هجوملرنده موسقوفلرده بورالردن کچورلر . ایشه افلاق وبغدان بویوک یوللر اوزرنده کائن بولندیغندن مستثنا بر اهمیتی حائز دی . وبوکا بناء عثمانیلر اول بول بو ایکی مملکته مستولی اولمشردی . ایکی مملکت بر معرکه در . بوندن طولاییدر که اولاح وبغدان قومی قدیمدن برو هر درلو سفالتره ، فلاکتره گرفتار اوله کتشلردر .

— (بوسنه) —

طونه ناک صاغ آیقلری صربستان و بولغارستانی تشکیل ایدر . بونلر بروجه آتیدر : ۱ - « صاوا » Sava قدیم Savuse , Savos « قارنیق آله » Alpes Carniques لردن نبعانله آوستریا ایالات مختلفه سندن کچدکن صکره « اونا » Unna ایله برلشوب ملک عثمانیه کیر . غربدن شرقه کیدر . قدیمآ آوستریا ایله ترکیه بیننده حد فاصلدی . « شاباج » Chabatz موقع مستحکم وعسکریمی دریناک بر شعبه سی اوزرنده در . باغراد - که مقدا بحثی کچمشدی - صاوناک منصبنده در . صاوا ، تاریخآ ، ترکر ایچون پک مهم بر نهر مدافعه وتجاوز ایدی . جوارى ممالک جبالیه دن اولدیغندن عثمانیلر ایچون ، محض منفعت ایدی . بورالردن نهرک صول ساحلی مراقبه ممکن اولدیغندن نمسلیلر ، ترک تجاوزلرینه مانع اولق ایچون ، بر چوق مستعمرات عسکریه وجوده کتیردیلر . صاوا ایله آیقلرینک تشکیل ایتدیکی « دالماجیا » ، « خرواتلق » « اسقلاوونیا » ایالاتی آرده سنده کی نقطه یه تصرف سایه سنده در که عثمانیلر دفعات ایله نمسه دیارینی زیارت ایتدیلر ، وویانه قبولرینه قدر طایاندیلر .

« اونا » آیاغی « خاطور » Chator طاغناک اتکندن چیقار . قدیمآ نمسه ایله عثمانلی الکالرینک بر قسم حدودینی تشکیل ایدردی . « عثمانلی خرواتلغی » ناک مقری اولان « بهلکه » Bihacz بو آیاغک اوستنده در . « نووی » Novi ده « اونا » چایی « دیناره » طاغندن کلن « ساننا » Sanna ایله برلشیر ، اورادن بوسنه ناک طریق داخلینی آچیلیر . ترسته دن استانبوله قدیمآ بو یولدن کیدیلیدی . بو طریق « ساننا » اوزرنده « قوساراج » Kosaratz و « پریدور » Priedor قلعه لری ایله مدافعه اولمقده ایدی . ۲ - « ورباس » Verbas دره سی « سقویا » Skopia , Scopia « یایچه » Jaicza - بوسنه ناک قدیم مقری - و « بنالوقه » = لوقه ناک حامی Bania Luca دن کچر ، « پلیچوا » Plicva صوینی آلیر ، « کل حصار » قلعه سنی محتویدر . ۳ - « بوسنه » نهری مقر ولایت اولان « سرای »

Serajevo = سرایووو دن کچر. بوسنه نك باشلیجه یولی استانبول-تریسته طریقدرکه «نوی» ده ملك عثمانییه کیرر. سانانی تعقیب ایدر. بنالوقه و تراونیکدن کچهرک بوسنه - سرایه واریر. بعده «پره پول» Priepol یکی بازار، پرشته، موراوا وادیسندن کچر. بو طریق مهم ایدیسه ده یول. اطلاقه سزا اوله جق درجه ده یاپیلاماشدی. ۴ - «درینا» Drina - قدیم Drinos - Drinus نهری بوسنه سلسه جبالدن Alpes Bosniaques کلیر؛ «ویشگراد» Vichgrad دن مرور ایدر. بوسنه ایله صربستانك حدودی اعتبار ایدلشدر. «ایزوورنیق» ی صولار. ۱۷۸۹ ده ترکلرک نمسه لیلره مغلوب اولدقلری «لوشنیچا» Lochnitza بو نهر اوزرنده در. بورادن صکره نهرک اروا ایتدیکی ساحه لرده وقتیه صربلر ایله بوشناقلر پك چوك محاربه ایتشلردی. درینا «راچکا» Ratzka قلعه سنده نهایتنه واریر.

بو درت دره نك حوضه سی بوسنه و عثمانلی خرواتلق ایالتی تشکیل ایدردی. حوضه نك سلاسل جبالی شونلردر: بیوک آب سلسله سی مجارستان ساحلنده «فیومه» Fiume دن اعتباراً «دینارا» آلپلری Alpes Dinariques اسمیه آدریاتیق ساحلی بویلار؛ «اوننا» و آدریاتیه دوکولن «کهرقا» Kerka منابغه قدر اوزانیر. اوزاده سلسله ایکییه بولونور. هر ایکسینك آره سی بر یایلا تشکیل ایدر. شعبه شمالیه بوسنه آلپلری، شعبه جنوبیه دالماسیا آلپلری وجوده کتیرر. ایچریده قالان تراچه «هرسک» ایالتی در. بوسنه سلسله جالی «دینارا» - یوکسکلکی ۲۳۴۰ متر - طاغندن «چار» - ۳۲۰۰ - طاغنه قدر ممتد اولور. ایکی بیک مترویه قدر چیقان یوکسک ذروه لری واردر. یوللری پك فنادر. وعلی الا کثر آدریاتیق سواحلی تعقیب ایدر. بونلرک اک ایسی اسکی رومالیلرک «وواغابینه» Voie Gabinienne یدرکه دکر قبیسنده «سپالاتو» Spalato دن باشلایوب «قوپریس» Koupris یایلاسی اسنده بوش بر موقعده بوسنه آلپلرینه واریر. دیگر بر یولده «راغوزه» «دوبرونیک» Ragura-Dubrownik دن بوسنه - سرای اوزرینه متوجه اولور. بوسنه نك جبال متقابله سی، سلسله شواهی بو مملکتی عدیالتسخیر برحاله کتیرر. بوسنه، تدافعی محاربات ایچون یکتادر. یولسزلی ضرب مثلدر. صربستان وقره طاغ حکومت عثمانیه دن ایرلقدن صکره بوسنده خارج عن المراز برایالت عثمانیه موقعنده قالمشدی.

[مابعدی وار]

پره پول نوی